

INUIT ATAQATIGIIT

INATSISARTUNI



UPA2022/119

27. april 2022

Harald Bianco

Inatsisartut aalajangiiffigisassaattut siunnersuut, Naalakkersuisut peqquneqassasut misissuissasut Royal Arctic Line Kalaallit Nunaata iluani avammullu assartuinissamut sullissinissamik akuersissutaata atuukkunnaarsinnejassappat pitsaaqutissai ajoqqutissaalu, taamatuttaarlu assartuinermut unammilleqatigiinneq eqquillugu. Misissuineq takussutississavaa sullissinissamik akuersissut peerlugu unammilleqatigiinnermillu eqquissineq aningaasatigut kingunissai qanoq isikkoqarnersut. Misissuineq Inatsisartunut UPA 2023 nallertinnagu tunniunneqassaaq..

(Inatsisartunut ilaasortaq Jens-Frederik Nielsen, Demokraatit)

RAL-ip ingerlatsinerata allanngortillugu pisoqassappat pitsaaqutinik ajoqutinillu misissuinissamik Naalakkersuisut peqquneqarnissaat Inuit Ataqatigiinnit tunngaviatigut akerlerinngilarput, taamaattorli Inuit Ataqatigiinnit pingaartipparput, allannguisoqassaagaangat allannguineq innuttaasunut ingammik isorliunerusunut nunaqarfinnullu pilersorneqarnikkut ulluinnarni atukkatigut ajornerusumik kinguneqalinnginnissaa. Inuit Ataqatigiinnit pingaartitaraarput isorliunerusut nunaqarfiillu najugaqarfingeqartuarnissaat.

Inuit Ataqatigiit anguniagariuarparput nunatsinni innuttaasut sutigut tamatigut kiffartuunneqarnermikkut naligiinnerusumik atugaqartitaanissaat, tamatumalu pitsanngorsartuarnissaat.

Taamatut Inuit Ataqatigiinnit oqaaseqareerluta maluginiagarpuk pingaarutilik tassaavoq qulequttap qallunaatuua kalaallisuanut naapertuutinngitsoq.

INUIT ATAQATIGIIT

INATSISARTUNI



Taamatut Inuit Ataqatigiinniit oqaaseqarluta siunnersuut ilalernartinnagu naqissusissavarput, taamatullu iluseqartillugu aappassaaneerneqarnissaa innersuussutigalugu.